



partii naleraq



UPA 2017/56
22. maj 2017

Angajoqqaat naartunermut, erninermut meeravissiarthaarnermullu atatillugu sulinngiffeqarsinnaatitaanerisa sapaatit akunnerinik sisamanik sivitsorneqarnissaa siunertaralugu Inatsisartut Inatsisaata nr. 14-p 17. december 2009-meersup allanngortinnissaanut siunnersuuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Allanguut atortuulersinneqassaaq ulloq 1. juli 2018 aallarnerfigalugu.

(Inatsisartunut ilaasortaq Randi Vestergaard Evaldsen, Demokraatit)

Matumuuna Inatsisartuni ilaasortap Randi Vestergaard Evaldsen, Demokraatit aalajangiiffigisassatut siunnersuutaanut soqutiginarumut pingaaruteqarluinnartumut qujavugut. Siunnersuullu Naalakkersuisooqatigiit sinnerlugit imak oqaaseqarfigissavarput.

Politikkikkut partiit akimorlugit pingaartitatta ersarinnersaraat meeqqat atugaannut pitsanngorsaaajuannarusunnerput, tamanna nukittuffittut pitsanngorsartuaannagassatullu ataatsimoorfiguaannarnissaa tamatsinnit qitiutinneqartuaannartariaqarpoq, meeraq tassaamat siunissattsitut isumalluarfippit sutigullu tamatigit ineriartornissamat aqqutissiuuttuaannartariaqagarput.

Taamaattumik siunnersuuteqartup oqariatuutaa paasilluarlutigu siunertaq pineqartooq akerlerinnginnatsigu erseqqissaatigissavarput.

Takusinnaavarput angajoqqaanngortut meerarlu qanimut imminnut pisariaqartinnerat qanoq pingaaruteqartigisoq. Meeqqap inunngoqqaarnerminiit piffissaq siulleq angajoqqaaminut attaveqalernera inuunermi sinneranut pingaaruteqartorujussuuvoq, tassanimi angajoqqaaminut inoqamminullu tatiginnissinnaanera siulleq pilersinneqartarpoq, taamaattumik meeraaneq ilaqtariinnerlu pitsaasumik toqqammavilik nukittorsarneqarnissaa tamatta suleqataaffigisariaqarparput.

Ilisimavarput angajoqqaat kisermaat qanoq assoroortigisinnaasartut, Ilisimavarput ilinniartut qanoq ilinniarnermi qanoq assoroortigisartut meeraqarnertik pillugu, ilisimavagut sulisartut aamma isertitakittut meeqqatik pillugit qanoq ilungersortigisartuttaamatuttaaq ilisimavagut pigissaaraluarlutik meeqqaminnut piffissakittarnertik pillugu ilerasuuteqartunik. Aamma ilisimavarput meeravissiarthaartunik ilungersuuteqartunik. Tamakkuupput aporfimmi ataatsimi kalluarneqartut.

Siunnersuutip qiterpiaa paasilluarsinnaavarput, takusinnaavarpullu siunertap naammassineqarnissaanut unammilligassat assigiinngittut aporfiusinnaassasut. Kisianni isumaqarpugut sulisartut kattuffii peqataatillugit inaarneqartariaqartoq. Inuit attorneqartut susasaqartullu arlaliupput taamaattumik Naalakkersuisooqatigiinni isumaqarpugut qulaajagassat arlallit eqqarsaatigalugit siammasissumik eqqarsarnerusariaqartugut. Takusinnaavarpummi aningaasaannaat kisiisa pineqanngitsut, naleqqussaanerilli pingaarutillit uani aamma ilaatinneqartariaqartut.



partii naleraq



INUIT ATAQATIGIIT

Siunnertuuteqartup anguniakkamini ilaatigut tikkuarpai Inatsisartut inatsisaat nr. 14, 7. december 2009-meersoq naleqqussarlugu inaarsarneqartariaqartoq, tamatumingna isumaqataalluinnarpugut. Eqaallisaasoqartariaqarpormi inuit tunuliaqutai assigiinngitsut ataatsimut eqqarsaatigalugit. Tassungalu ilanngullugit SIK-mi ilaasortat atugaasa ilanngullugit naleqqussaaffigineqarnissaa eqqumaffigineqassasoq kaammattuutigissavarput.

Siorna ukiakkut imm. 107 qulequttamut eqqartukkatsinnut attuumassuteqarluinnartoq takusinnaavarput. Taamani partiit tamarmiullutik ataatsimoorfigisaat attallugu ingerlatitseqqinnissarput pissusissamisoorpoq.

Taamaattumik siunnersuut imatut isikkoqartillugu itigartipparput, Naalackersuisullu allannguutissatut siunnersuutaanut akuersaernerput nalunaarutigalugu. Naalackersuisut allannguutissatut siunniussaanut isumaqarpugut, tamakkiissumik ilaqutariit meerartallit, erninermilu sulinngiffeqarnermi naliliiniarneq pingaaruteqartoq. Taamaassilluni atugarisaasut, killiffiusut misissoqqissaaneqarnerisigut iliuusissat periusissallu pitsaassut ataqatigiissarnerusumik tamakkiinerusumillu suliniuteqarnermik angusaqarfiunissaa qularutiginninnatsigu.

Taamatut oqaaseqarluta Naalackersuisut allannguutissatut siunnersuutaat akuersarlugu Ilaqutariinnermut Peqqissutsimullu Ataatsimiititaliami suliarineqarnissaa ingerlatipparput. Ataatsimiititaliarlu sulilluarnissaanik kissaallugu.

Naalackersuisooqatigiit sinnerlugit

Debora Kleist